



痘科類編釋意

卷之中

隨時認症因症用方如某症宜用某方如某方治某症宜多用宜少用宜輕劑宜重劑一一詳備按症查方似可依之以用藥矣但方藥未諳不免心中恍惚不敢輕動手也所以又類下卷明註方藥以備參考

目錄

治痘總法

發熱三日症治

出見三日症治

起脹三日症治

灌腫三日症治

收靨三日症治

結痂落痂症治

痘中雜症目錄

雜症當急治論

異痘四種

發熱

寒熱

厥逆

頭溫足冷

夾癰

夾疹

夾痧

發泡

陷伏

倒靨

癢

痛

腰痛

腹痛

腹脹

口唇

口舌 十七

咽喉 十八

咳嗽 十九

痰涎 二十

失音 二十一

謔妄 二十二

噎水吐食 二十三

中風 二十四

驚搖 二十五

倦怠 二十六

喘 二十七

煩燥 二十八

渴 二十九

不食 三十

汗 三十一

諸失血 三十二

嘔吐噦 三十三

瀉利 三十四

吐瀉并作 三十五

痢 三十六

寒戰咬牙 三十七

二便 三十八

潰爛 三十九

痘疔 四十

陰囊發腫 四十一

痘毒 四十三

眼目 四十五

痘後浮腫 四十二

疳瘡口瘡 四十四

痘汁類編釋意卷之中

益都翟良輯

治痘總法

治痘瘡原無奇法大約先視其人之氣血強弱痘毒之淺深時氣之寒燠自發熱之初見點之時卽當觀形察色思及何如起發何如灌漿何如收靨一動手用藥就便顧首尾慎其初以善其後然後次第調理分具表裏虛實寒熱虛者補之實者瀉之寒者溫之熱者清之無過溫無過清不妄瀉不妄補要在使其正氣不損而氣血盛邪氣不留而痘毒解痘或有不必要用藥者或有宜輕劑者宜重劑者細心詳審各各分別斟酌施治斯可收萬全之功矣如痘發熱之後作三四次出有大有小有先有後起發亦作三四次先出者先起後出者後起大者自大者自小大小

次第而起待至養漿則先起者先作漿後起者後作漿大小亦如之磊落分明不相粘連色極紅潤不帶火色者順也不必用藥若時醫射利以爲不用藥無以見功欲妄投其劑幸邀天功不知治痘惟有補瀉二法痘證既順則無邪正之偏補則助其火邪瀉則損其正氣痘無症藥之而反生其症也何能成功徒殺人耳若險症則宜急治治之不急則險症變而爲逆症者有之時醫用藥恐症變不已歸罪於藥憚而不用坐視險者變而爲逆全不顧也心何忍乎是又以不用藥而殺人也至於逆症棄而不救恐費其調治不能成功徒招謗也雖然豈醫者活人之心哉當察其色脉於不治之中尋其生機定一治法然亦有不壞事者予曾見同道治孫姓者一女年七歲出痘則犯逆症

形如蚊跡不成顆粒一逆也。腰痛腹又痛二逆也。昏睡譫語三逆也。乾嘔四逆也。惟色脈無恙可生之機也。隨定一方。用保元湯以補其中氣。加羌活防風荆芥柴胡以爲發散。表邪之用。木香山查以爲驅逐裏邪之用。調展砂末以爲解毒之用。連進三劑。症變而成功矣。逆症豈可盡棄哉。今不論險逆。一一定方於後。

初熱三日症治

痘必發熱而後出者。何也。蓋天地之育萬物。雖賴土以生。息而土不得陽氣薰蒸於下。安能發生萬物。人身一小天地也。痘之管紐在脾。脾屬中土。若非火蒸透膈。則痘毒安能震動而發泄。師曰。五穀不逢熱不結。痘瘡不熱透不徹。所以痘瘡之毒。蘊伏五臟欲出。則必薰蒸而發熱。是以書

云熱蒸三日而痘生。蓋痘本火毒。待熱而發。熱微則毒微。熱甚則毒甚。而痘之稀密輕重係焉。雖然。亦有熱甚而毒不甚者。如熱甚不煩不渴。大小便如常。精神清爽。此熱在表。其裏無邪。毒火發起。痘易出而易成功也。亦有熱微而毒不微者。熱雖微而煩燥不安。大小便難。昏昏喜睡。毒火內蘊。不得發起。表熱雖微。內熱則甚。毒火鬱遏之極。痘必出不快而難成功也。熱微毒微。熱甚毒甚。此言其常也。熱微毒不微。熱甚毒不甚。又是其變也。治痘者正當於此有斟酌矣。前人有云。當發散清解。使邪熱盡退。痘出之形。不帶火色。一失其治。痘帶火色而出。則紅必變赤。赤必變紫。紫必變黑。救無及矣。有云。外感厲氣。內有所傷。與痘毒合。并而發熱者。當清解之。若痘毒之正熱。其毒稟於胎元。伏

於五臟深藏久蓄一旦觸發倏然忽然而其勢猛銳勃  
勃欲出斷不可遏阻其勢必藉氣血載毒出外痘出而熱  
自退或熱退而痘卽出若必如管櫛立論首以解毒令熱  
盡退爲說純用涼藥則氣血凝滯不能載毒外出毒將內  
攻而告變矣奚可哉庸醫相習以訛傳訛俱用寒涼清解  
自以爲對症之妙劑以致毒不得外出返而內攻者多矣  
今領前人之論不敢執定不用清解以不用藥而悞事亦  
不敢執定純用清涼又以用藥而害事因病用藥隨症定  
方一如左

論痘瘡發熱與傷寒不同

風寒之症邪自外入陽氣拂鬱而發熱患者惡寒怕露頭  
面且只見一經形證痘瘡之症毒自內出陽氣薰蒸而發

熱患者惡熱喜露頭面且五臟之證俱見呵欠煩悶肝證也乍涼乍熱手足冷多睡脾證也面躁腮赤咳嗽嚏噴肺證也驚悸心證也鼈京耳涼腎之平證也再觀心窩有紅色耳後有紅筋赤縷或身熱手指皆熱惟中指獨冷男左女右乃知是痘證也初發熱身熱和緩時熱時退神清氣爽飲食二便如常無雜症者吐瀉不甚而隨止者發驚搐後即見痘影者自汗而汗不大者此榮衛氣和腠理疎通不必施治

一發熱至收靨始終宜服三豆湯十一渴者更宜

一初發熱增寒壯熱頭痛咳嗽鼻流清涕者多由於外感不可驟發散也當視兒強弱以調治之如兒體氣壯盛者

用升麻葛根湯二加桔梗三分蘇葉五分小川芎四分山

蓋痘瘡以裏爲根以表爲基一虛其表是猶築室而地其基也

是以治痘  
與傷寒大  
不同也

查肉

八分

牛蒡子

五分

生薑三片水一鍾煎五分熱服取

汗。體素怯弱者。用參蘇飲三去木香枳殼加牛蒡子分

炒四

山查肉

六分

微汗之。然不可令汗出太多。發虛其表。後難

起脹收靨也。如汗後身熱不退。且勿峻攻。姑稍待之。其或

煩悶燥渴而妄語者。敗毒和中散四清之。腹痛大便秘者。

加酒炒大黃微利之。

一身熱至二三日之後。痘欲出不出。或煩悶驚搐。狂言亂

語。切不可驚惶失措。須詳審虛實寒熱而治之。要知此等

症皆由毒氣在內。不得宣發於外而作。然毒氣不得宣發

之症又不一樣。而有三等。最宜精詳觀形察色。審聲問症。

又參之以脉。并用紙撚照法。然後可以辨別。察其痘影

紅紫。面赤唇紫。聲音不亮。口氣粗。手足熱。脉洪數。此毒氣

壅盛於內不能驟發於外而驚搐狂燥者宜用清解散五  
以宣之或痘影形色同前但聲重鼻塞鼻涕脉浮數不同  
此內毒本盛外爲風寒所束鬱滯不得出而驚搐狂燥者  
宜用蘇解散六以發之察其痘影澹澹在皮下不見紅活  
唇澹面白或帶毒脉又遲緩此血氣虛弱不能送毒外出  
而驚搐狂燥者宜用溫中益氣湯七以托之三者分別明  
白而後用藥當一劑之後痘出而驚定矣昔人謂痘未出  
而驚搐爲順是在一二日間也若至二三日則不可忽矣  
一幼兒欲出痘發熱至二三日全無痘點形影忽然而發  
驚搐狀與急驚風一樣者此亦毒氣壅遏不能宣發所致  
宜用清解散五以宣之若時醫不知是痘症誤作急驚風  
施治或單以寒涼投之以驅痰峻藥下之其兒必死何者

阻遏其毒使不得外出而內攻也。故未出痘之小兒若遇此等症。卽當驚疑恐是痘也。

一發熱雖輕。至三四日而怠倦嗜臥。不思飲食。所出之痘影影淡白。點顆不明。此非痘毒輕少。亦是血氣虛弱。送毒不出也。宜用溫中益氣湯。以托之。甚者必連服三四劑。痘始出齊。其痘必多。若因其安靜袖手玩視而不急托痘出外。延至五六日後。毒氣內攻。須臾告變。不可救療。誠足畏也。昔人熱輕痘輕之說。可盡憑乎。而六日以前痘未出齊。勿用溫補之說。可盡拘乎。

一發熱至數日而痘不出。此時進退兩難。欲大發之。懼其本稀而成癰爛。不發之。又無以出其毒。當始以藥微發之。微發不出。則加藥。加藥不出。則大發之。大發之後。所出不

多。卽是痘本稀。不可再發也。發用升麻葛根湯。二大發。  
用惺惺散。十加防風小川芎。各五加藥者。本方多加。  
分兩。非謂於本方之外。加辛熱而大發也。

一初熱便妄有所見聞。妄言如見鬼狀。此皆毒氣內攻。心  
神不清所致。最爲惡候。宜導赤散。一百加連翹黃芩犀角。

木通琥珀抱龍丸。

備用方

惟大便秘結者。或用牛黃清心丸。

入

或粉紅丸。

丸

用藥後病已者可治。

一發熱失血。口鼻出者。用童便磨犀角服。小便溺血者不  
救。

餘有諸症俱載在雜症類中。

出見三日症治。

出見者。痘出而見其形也。形見而色亦見焉。形色旣見則

吉凶攸分。治痘者心有明鑑。又具慧眼。觀形察色。詳細分別。則起脹灌膿之症。可逆視矣。要在預相其機。而圖之早。若因循失治。臨症便難措手。如起脹之機。非必於起脹時。而後議也。正當於出見時。預知其能起脹。不能起脹。而先理之。蓋熱退而痘出。初出之像。如粟狀。色紅而潤澤。與無痘處之皮色迥異。謂紅者非深紅也。特淡紅之異於皮膚之不紅耳。自血肉而達於皮膚。其根甚深。三四次出盡。先一次出者。其時稍待。則形尖。其體大於二次出者。二次出者。其時稍待。則形尖。其體大於三次出者。三次大於四次者。大小不一。磊落分明。觀其形。則知其後日之能起不能起。察其色。則知其後日之能灌不能灌。此治痘之第一節要也。生痘家亦自此以後。當謹慎調養。注意避忌。

調養禁忌

自出痘至收靨房中常宜燒辟穢香十二加茵陳大棗  
見形後宜用葫荽酒四卽以此噴牀壁卧席下鋪些葫  
荽亦妙

痘瘡旣出內臟空虛熱氣一蒸毛孔俱開自此以後當避  
風寒調飲食衣服勿令其過煖勿令其過寒雖天氣暄熱  
時亦勿令其赤體或單衣當風取涼雖天氣嚴冷時亦勿  
令其重綿疊褥使熱氣壅遏飲食勿過飽勿過飢勿食生  
冷勿飲凉水及一切鷄肉猪肉牛肉羊肉魚腥并荔枝棗  
柿糖蜜酒葱蒜與醋蓋以鷄肉動風猪肉生痰羊肉助熱  
魚腥助火牛肉黑癥之故也若枝酒又能發癢棗柿糖蜜  
其味甘甜引痘入眼醋酸損齒葱蒜泄氣所以悉宜忌之